

序芳園稿

上卷

趙伊
■
明

趙氏序芳園稿序

緬昔先朝



肅皇帝起代來續殷服典學崇文右賢

左戚銳精圖又海內彬彬嚮化凡彈

冠結縷之賓夕摘藻挾天之士屠維

之歲唐任陳余由此其選亥戮之歲

乃嗣響焉時當湖趙君子衡在比部

三十四

余兄子安在儀曹蔡子木王維楨在
行人余在都水由兄故獲締交焉筮
仕之始守官箴習吏事含章韜美未
敢侈然談藝也然業已邈追漢魏雄
視關洛君甫綺齡博綜緬帙騰其英
聲居三何或引疾或承譴稍稍謝去
亦曩昔賈生櫛民以才見忌之驗也

迨後十餘年復得晉敘置于南都子
安子木在比部維楨在民部余在司
勳君在職方

帝京嘉麗郎署燕閒並攻于詩攬清暉
以緩轡訪遺事於憑虛更唱迭和夕
咸晨誦副墨索之紙楨翔價而君間
從湛文簡鄒文莊羅文恭揆性侷之

微窺道德之蘊夫稍涉宋學輒畔唐
藝君天資神搜妙悟兼通其於詩蓋
默識而潛融矣且砥行飭法不容於
時遂有廣西之命君乃長揖當路高
蹈賁園覃精詩學若昭明所選英華
所輯靡不流覽頗嗜少陵愚溪之集
手自註釋益深造焉

莊皇帝嗣極公車屢薦而東山未起政
府高公銓曹楊公素重其名將柄用
之然并無酬知之謁中散有絕交
之暮事乃竟寢士論賢之又十餘年
而三君化為異物悲哉于是子安有
少玄集子木有白石山房集傳諸同
好用垂不朽君有序芳園稿晚成為

劉君子伯所銓次又加點品題之夫
劉蓋浚於詩者言足徵矣余觀其詩
咸發乎性情止乎禮義其調冲澹焉
永其音溫潤和平每切事情而寓規
諷不徒離藻也今時求反闕洛愈乖
夙雅蜀中襍就歷下誕章詩幾亡矣
使數君子者在不痛誹而力排之耶

夫陶令諸詠得於辭綾平子勳思底
於歸田非恬勢利而蛻功名曷臻此
哉厥考大叅公亦善詩著漸齋集行
于世先為給事彈劾不避遺榮耽籍
君訓出庭趨美由世濟若微守義誓
志卒棄官賢紹孟學詩專韋氏二大
夫無媿矣集凡二卷總若干首文別

行披味劉子所摘警語口誦而心醉
焉令子邦秩等將命梓氏屬序于余
余以世誼不克辭觀其翩翩然河東
鳳毛學足藝科才能述志趙本王孫
之後代不乏人者哉遂春其端

萬曆甲戌仲春朔

賜進士吏部司勳郎吳郡皇甫汈子循撰

序芳園稿卷上

當湖上莘趙伊子衡撰

武林望陽劉子伯評點

男邦秩邦程邦和刻

遊雅山歌

謝靈運遊覽諸篇景真情實綴詞郁然故
為後世宗匠此作當與並觀

青山杳何許遙望青雲隔湖人生長只湖鄉一片東
湖烟水白清秋理棹戒親朋挈榼携壺動曉征話深
已覺郊垆遠山近漸分巖樹明村墟一帶經過處黍
稷離離被行路展足坡陀未厭觀俄驚大海心神寓
偈側塵區渺一隅汪洋巨浸吞無數眉睫東南天地

寬風帆朝夕華夷度登高舒嘯幾人同由來相接真
稀遇慘淡長吹萬里風迷漫遍作南山霧霜鴈年年
歸甫田直寫其景寒潮日日來荒戍撫景興懷感慨多踟躕更
引前崗步峭壁高峰秋轉妍深崖古洞雲常護廿載
心期此一遊山靈應咲來何暮日落下山循山走翹
首蒼巖屢回顧事實鹿門始有龐公知天台誰繼孫興賦
君不見江之南北山海窟勝地冥區自天設人跡不
至車馬絕榛莽未堪一二說

述懷七首

道人鎮日茅廬下一蔬一飯何爲者花間晏坐常嗒

然欲寐不寐松風灑肩輿垢敝那出入胡床歲久便
膝蹠寂寞翻然有所思十年於此常棲遲

有室如斗違世塵閉關常作窩中人太陽一點生虛
白照我左右圖書陳蕭然淨几淹晨暮不出從教過
客嗔縱然人世多交際光陰易去非高計

我所思今在山陰望而不見愁人心西湖昨日附書
至歲暮有盟期再尋病身在床心欲奮忽然毛羽生
衣襟平生歎此懸耿耿不然偃蹇誰爲騁

我所思今江之右學徒白鹿相先後二三豪傑操紀
綱郭翁氣金匡廬秀明時會見鳳于飛大法終須獅

一吼我從千里遙相望龍泉鬱鬱牛斗傍

堂前樹密深相映花竹一方藏小徑水石苔香似活
泉松根雨濕無泥濘忽憶當年得意人乾坤徃徃收
名勝一丘一壑誅茅地若爲解作一生事

儂芝生兮瓊瑤岡一年三秀何煌煌遭逢真賴神人
力翠莖朱葉同金光枯株腐草化爲菌采之采之棄
道傍清夜撫枕恒歎思無爲終歲常苦饑

昔遊金陵妄意曾窺道二十年來空自考我昔紅顏
今半衰老成存者頭蓋皓皓首相去亦幾時分陰重
惜苦不早作歌書紳還自勗歌成白日去何速

讀防邊集議有感

調古詞新議論豈然其注念於經畧者

聖主虛心念遠陲羣公協計奏弘規州城失警追前
日主將更新又一時噐甲鮮明齊嶺出垣墉連亘與
雲隨邊兵不戰多年事還伏天威起積衰

聖祖驅胡蕩北陲

文皇三駕繼前規邊亭臥鼓由來久孽虜寧弓復此
時漢地有營星宿列天山何路虎兕隨張師詰旅承
平日周召忠謀保未衰

往時虜寇鈔邊陲背敵全軍作舊規律忌損懸雖重
戰人沿畏懼要通時軍儲更歎空填委輿議方知弗

詭隨漸喜將權今有屬築壇分闡振微衰

雜詩

乾坤吳越開千里起壯山海東南寄一隅心遠雲天誰與

共形存樗櫟自應殊風來庭卉枝枝裊月向蒼松處

處孤自信草廬堪寂寞不須著論擬潛夫

結廬城曲靜柴扉城外閑清逸雲來去飛薇蕨欲隨貧士

食薜蘿堪着道人衣高垣月上林初映僻地庭寬暑

自微日暮無朋聊命酌青松相對更相依

五十歲生日自題三首

老鍊

秋色報山中梧桐一葉驚問年何用曆白髮鏡中生

白髮從今日漸多花邊坐卧還如何人爲形役苦驅

馳自斷吾衰非所宜

閑居八九年日與市朝遠愛月泛清漣尋雲陟危巘

日余通籍非早歸棄置本因多病違只今了悟無纖

滓自晒向來猶未耳

生日雖多歡老大安足恃省已屢愆違私心良不喜

已知四十九年非五十無聞莫可追武公何人常抑

抑無更號咖故態爲

冲淡似陶而符調則祖王孟跡其高行恐過於伯玉也

蓮

虛堂對名花宴坐飾巾履清風颯然來翠蓋亭亭起

泚景炎天。昆竒絕幽。居松竹無塵滓。綠陰掩映。傍孤
石麗色空明。自秋水佳哉。岳植有餘芳。何處西湖紅
十里。

登湯山

詞語駢麗音調鏗鏘雖王子孟復出矣議焉

烟花山際。傍孤城憶昨。旌旗照眼。明海氣似團雲。鳥
陣。江潮猶帶鼓鼙聲。幾家村落。依荒戍。連歲艤舫集
募兵。此日登臨。成感慨。倚天長嘯。暮雲橫。

花影

思竒崛而句法璀璨譬若鏡中之貌波上
之月可玩而不可卽者也若呼童掃不開
等語較之可爲執鞭矣

亭亭裊裊拂茅堂。何必施朱更着黃。雲淡無心元不

妬。日遲有意。故相將玉顏。空恨寒鴉色。高燭休誇半
夜粧。花下橫琴。明月照幽人。應得伴西墻。

詠鳥聲次韻默齋

皆曾情流出不落言筌甚妙

野鳥傳聲集草堂。花陰何處得調簧。日高已度春風
榻。坐久應銷午院香。欲喚世情空自語。那關心事與
相忘。道人本愛青山寂。却向丁丁伐木傍。

用意深嚴
得味物之妙

送龔三尹

去去望江濤。風波隔遠岑。萍蓬無定跡。鴻鴈有遺音。
黃綬才難盡。清尊意獨深。相思他日事。早已見人心。

喜雨

亢陽竟連月。溽暑化爲霖。風送高城急。雲瀾四野深。
滂沱沾厚土。蕭灑到荒林。茅屋真成洗。應憐清夜吟。

夏晚

句冲雅真唐調也

雲雜溪頭樹。烟分野外村。微炎影薄冉。冉暮陰繁。
不遠市猶集。相忘鳥亦喧。何當同志友。披對納清言。
家兄新亭同親友賞蓮

勝地亭初構。芳池花盛開。薰風迎戶入。香氣撲人來。
美醞時能釀。新蔬手自栽。親朋歡未已。小弟興悠哉。

重賞園亭

絕似王維

爲愛池亭好。還尋宴賞餘。看花同舊識。解帶卽吾廬。

地僻涼風遠。波明暮雨疎。厭厭宜此日。不醉欲何如。

九桐詩來欲過賞益蓮次答

自然

盈缶花如許。懷君意有餘。亦知多暇日。屢欲就荒廬。
苔蘚無人綠。琴尊竟日疎。廣文能見過。倒屣復何如。

遣興

幽興宜荒院。閑花常傍人。物情時雨洽。詩句夏荷新。
樓影方中日。村烟及暮辰。坐來林杪見。月色照城闌。

簡七橋九桐二君

當與風雨時時龍一吟並看

野夫築室城之隈。晝戶不扃人少來。遲遲暮景鳥雙
去寂寂閑堦花獨開。沈子多吟誰爾和。徐君坦性無

人猜明日草堂一杯酒莫教童豎重相催
諸友集于湖亭

澄湖積雨涵千頃小檻叢丘絕四隣蕩漿夕陽時送
酒披襟幽樹故畱人岼深瀲灩秋蒲少天遠峰巒晚
霽新負部溪山真咫尺忘形賓客總姻親

送盟伯武舉北上

遊子從西來片帆江上催三秋尊酒別千里捷書回
白日長安道黃花調古薊北臺不妨携劍客詩句有新裁
遣懷

一曲城村野外同湖天望處海雲通秋花何意紅如

錦晚竹從教翠滿叢疏傳揮金非俗韻陶侯托酒在
高風未能五嶽遊名勝愁見吳江日夜東

重陽前苦雨

秋晚復多雨蕭蕭長夜風憂懷還近節稼事正關農
江霧迷深渚村烟出遠楓疎鍾雲外入燈火照人紅

贈苓山醫士歌

贈醫詩似此作者絕少

人有壽兮物有仙苓山苓山世所傳自誇琥珀經千
載蟠桃大椿齊壽年君不見古來方術稱華佗著名
青史永不磨苓乎苓乎功訖多

喜半峰禪師到平湖見訪奉贈

思君君似白下山何由置我草堂間故人此日從天
降把袂猶疑夢裏還老去逢人常物色豈意容顏似
疇昔二十年來憶舊遊七十老僧還作客烟雨橫江
繫客舟莓苔滿戶畱行屐人生有情戀故知况我於
子心無逆道林幾共山頭話愚谷再同湖上跡旅館
荒城晚幽獨莫言桑下無三宿

邀半峰茶話從家園步出東門泛舟登案山祠

湖心亭贈別

憐君於我不信宿竟日淹畱傍城曲纔經草樹園林
深復泛舟航湖水綠水中孤嶼稱幽尋山際高樓恣
遐矚夕陽天外照歸人相要此會何時續懸知見憶
傳書至多在漁樵定非俗

寄袁吳門

閒居屏紛冗歲月何悠悠草木逢春榮枝條盡和柔
倏然成敷貴輝光生道周思我平生友喟焉路阻脩
席珍足國華聲價逾等儔東吳挺淵藪名家振弓裘
粲彼琳琅姿清廟宜見收豈不在乘時早晚匪淹畱
願言崇令德上應王明求

雪後卽事

一冬天暖遲佳雪曉起牕寒積素華故着小梅能綻



原件短缺

P9

玉深沾枯草自回芽晴湖水足鴛鴦戲野圃雲橫鶴
鶴賒忽望遠山青欲破春輝早已動天涯

送馮小山春元北上兼示子姪

霽雪行舟江北寒隔年太公路指長安鄉心祖席尊前
樹客興搖鞭野外鞍三載趨庭貪覲省九衢傾蓋縱
遊觀通家再續南宮宴頭上花枝許僉看

後園看梅

探花經臘向花前步履衝泥霽雨天數點白含疑綴
雪一枝紅艷巧粧鈿自懷騷客芳洲外不逐王孫春
草邊深夜疎香誰爾共半依明月半和烟

况值花盛開雲錦何鮮妍掃徑候朋知長老咸來看
勁節排風霜香葉棲鳳鸞感彼千歲姿故國宜共傳
予其忘樹立眠食空華顛

遊天真書院歌

臨安山水吾所憐天真有期意更專扶杖欲乘吳嶺
屐避人却買越江船越江吳嶺開烟樹雨後初行石
門路息肩此在民惡及物之心時省僕夫勞識面俄欣老僧遇老僧前引
歷階上仰止堂中拜遺像衣裾未學曳門墻俎豆當
年識函丈配以從遊數君子千載同祠萃精爽精爽
煌煌只此心良知日月懸明朗竹戶松牕晝不扃江

雲海月時更往庭草長留多士。綦巖泉恍動清絃響。
嘉會軒前列翠屏。文明閣上懸銀榜。舊構新營漸增
拓。巖霧林霏映丹堊。山靜時聞磬鼓聲。上下齋房還
具作。諸公有意存嘉惠。土木雖興未爲費。傳經遊藝
各徘徊。百步一亭行未旣。日暮西樓憩息時。開楹正
對江湖沸斗室。方床我所便。藜藿爲糧衣草卉。野性
時隨麋鹿羣。病身情實嬾接軒車貴。羽客緇流亦可親。休
將外慕惱心神。法堂書永渾無事。閑與先師拂几塵。

宿上天竺吟

兩山盤環夾城裏。老松錯落千尋起。游衍却辭芳野

情精巖已入諸天。美寶地。乾坤浩劫開琳宮。草木神
光被。四塞雲峰護佛燈。半空星斗隨仙履。音梵常連
衆籟。殷香烟直上重霄。紫陽春淵水畜蚪龍。霽月林
臯藏虎兕。密竹幽花弄夕陰。禪房借榻清人有自得意心。覺來
欲省塵勞念。風露清虛無處尋。

上大司成東郭翁尊師時翁入浙中會講天真
書院

明時羣彥宗耆老。吾道千年屬典墳。教鐸已看江右
接歌絃。今喜浙中聞冠衣濟濟。興鄒魯德化泮泮。翊
舜文良弼不須宸夢。協司成元受。

主恩殷

夏至日作

小樓梅雨連朝暝天光睡思相氤氳枕邊鳴者彼何物夏至忽然蛰蚪聞出門滿意湖波綠菰蒲青青鳧鷺浴湖山處處皆可詩日暮歸來吟未足

仲夏霖雨積時河水涌溢

少陵每遇時事輒不敢忘君今復見於此矣

江南大水流奔茫急雨層波瀾路傍入夜巖城人鼎沸突壞屋廬安可當下地涿池高潦潢人家門畔儲餘皇秋稼不立人阻饑元元流冗將何如公私上下况傾匱司農未易開蠲除包元履德

聖天子電燭雷訇自神理崇朝傳遍及一紙災沴消復創夷起歌康衢兮荷帝祉

儼似愁霖賦

湖亭望水勢浩瀚喟然有述

萬家城郭浮東陂樓臺一帶侵漣漪江南尺寸牛耕地化作三湘鴈鴛池湖亭前對案山祠湖中景物徒參差停橈悵望且歸去他時有意來相隨

事實

七夕

脫舊格

七月七日良辰遇一談一笑流光度花竹陰中集暮筵星河影裏沾涼露夜色依依照戶庭步簷倚杖向深更悠悠時序關吟思想見千秋共此情

立秋

萬樹蒼蒼露欲浮。仰看大火忽西流。庭昏雨氣連三伏。砌冷蛩聲動九秋。長向山林惟任達。每經時序自關愁。徘徊清夜騷人思。欲撫鳴琴寫我憂。

遣興七首

七言絕詞藻而思奇盛唐調也

秋來瀟灑漫無營。堦下羣花屬意明。却被日薰還灼灼。故教風舞自盈盈。

芳蓮一枝吾所愛。半含半吐香蒙茸。造物何私君不見。朝來偏帶露華濃。

春去秋來莫恨嗟。細推消息竟無差。不須短髮饒人白。却有香醪入夜賒。

潦倒空堂酒自傾。題詩點筆對前楹。秋花故作紛敷意。春鳥猶傳曉曉聲。

北燕南鴻常去來。清風明月相徘徊。白雲欲共紅雲合。黃葉還將綠葉催。

江上初聞啼鴉聲。莎雞還向戶邊鳴。歲月幾何今過半。長宵夜夜睡天明。

庭前草長鴈來紅。人似少年顏色同。誰謂楚江秋易老。朝來日日是東風。

得孫次韻答侶菊

樗櫟深山高幾尋兒孫生長自成林
最憐名字豚和犬不比羅紈玉與金
深謝高情垂翰墨敢云積善愜人心
欲詢吾父曾孫幾十一排行是只今

賞懷洲光祿石榴歌

盆榴兩株八九尺盤結有年積工力
此花淺紅色絕稀北地携來費培植
主人愛惜重護持日探生意願歲
甦經春舊葉添新葉入夏花開便滿枝
弄日含霞朶朶竒南國風光初試時
主人邀賓賓輒隨相與花下傾金卮
是日輕雲拂四垂當暑坐客忘炎曦
良辰美景稱難遇樂事賞心良在茲
妙舞清歌歡未已花光在眼聲在耳
小艇奚童候河埃青山日落暮烟起
歸途風生水瀾瀾

蝶夢

風枝猶動蝶情慵不去依然芳樹叢
明事妙句亦雅圖似滕王春正
寂夢同莊叟意還濃琴書永書通
吾况野圃微生解汝空一寤自憐餘
事在閑吟常逐酒杯中

雞冠花

雞冠花能得世人喜名爾頗相似
我今賞翫與人同看花亦愛雞冠紫
娟娟映日隔簾櫳裊裊臨風傍堦
肥草堂之前多植此青栢一株花
數品秋來無事時

隱几我亦當年鷓冠子

紫雲石歌

余過默齋徐君園得奇石於竹樹中詢之則
海寧許氏物也余以此石頗淪沒因本許氏
所居山標名紫雲而題以詩與好事者共焉
紫雲石石之奇我初行庭一見之天然完璞為屏障
文理細膩非人為形兼四面那易得鬼輸神斫全無
虧歲月深留蝸鳥迹巖嵐隱動烟霞姿紫雲石來從
何所邂逅相看猶恨遲硯礪繞庭曾汝後竹石交蔭
無人知丈人却立豈其所良賈深藏或在茲久之還

聽主人語此物得之黃門許許公聲重價逾增紫雲
之山其別墅石從紫雲來義因紫雲起搜冥仙產失
崑崙紀事名家徵粟里璠璣永作君家物斯名自此
傳遐邇名今與石垂不朽愧我文詞非所擬君不見
古今惟石本無數至今傳者宋人有米唐有李

登陳山歌

有意興有感慨

去年此月湯山遊今年還到陳山頭諸山去城三十
里湖城望之何者丘城中車馬縱來至未陟其巔亦
且休登高覽勝何由得東南大海空悠悠君不見東
海之東蓬萊山志士猶將入海求咫尺岡陵如未到

空令今古談瀛洲我今同志三人來氣豪直欲凌雲
浮路出萬松躋巖磔李君賈勇沈君愁沈君苦力非
苦與涼風振羽期清秋挈榼携壺隨短杖邂逅豈卽
非良謀君不見此山之外漢古邑陸沉千里今洪流
流沙展轉相生滅何年盡復故地成田疇麻姑仙人
三見此吾輩幾度還優游吾輩幾度還優游試問姑
仙今在不

寄題祐山山墅

肩輿時擬出西城城外看山邂逅行過雨石蹊何的
鱗遊魚萍水自迴縈巖厓甜坐論心處壺榼交遊盡
日情我病獨思蘿谷裏啼鶯脩竹聽和聲

同祐山過訪明軒病起致慰語及同年存沒爰
贈此詩

問疾知君久已除邇來塵事更應疎同袍屈指空壚
在短髮關心覽鏡初能飲沽醪隨麩米相逢飽飯足
園蔬莫辭卧起親知集吾道從今興有餘

過祐山山亭

話我同年僉棄官山林禮數自宜寬祗愁席上春杯
滿爲借山中午簟寒竹馬小兒呼作戲石壺落子助
交歡主人有命終辭得日暮松陰共倚闌

寄天寧僧虛堂夢石

山人學禪未得禪，禪家風味吾所憐。
布袍居室每餘羹，蒲團坐日何綿延。
畱賓煮茗情未已，葺竹哦詩趣亦偏。
端居老宿自爲伴，繫我閑懷寄短篇。

寄天界寺半峰斌上人

憶昔金陵多暇日，城南騎馬逐林扉。
虎蹊幾度頻畱蹟，潮海當年有贈衣。
結伴山中誰好在，逢人門外老應稀。
天涯倘念澳樵客，尺素空中到石磯。

答吳武湖用來韻

輝輝冬日照南隣，深巷人家自有春。
歲晚默餘山水伴，閑來時見柳梅新。
謾將物理供清話，更枉詩篇勸遠音。
相對城隅棲隱處，緘題來往重於金。

過海石諫議墓

雨舟昨夜倚孤灘，野鷺晨飛水上寒。
梓里高門仍眺望，雲山滿地耐愁看。
新阡枉道人猶入宿，草經霜歲已闌。
白石他山先已辦，名文珍重倩誰刊。

慶三兄得孫歌

今我兄弟皆有孫，兄今年幾當五旬。
去年三十子懷抱，抱子非遲抱孫早。
入門喜氣何盈盈，滿堂子孫團圓好。
試聽鄉間共有言，爲善積功誰所造。
榴花五月

紅紛敷纍纍結實陰扶疎開軒四坐人觀賞却記當年封殖初我來挈榼還提壺不醉無歸盡日娛明朝

每母追思前人立德孝親可謂至矣

湯餅大作舖宗親子弟爭來趨寧適不來微弗顧斯言今日為良模

敘事絕似少陵而未嘗竊用一字

三兄新堂拱上產異芳觀者以為芝也謹獻此

詩

曾聞高士蕙蘭房何似堂成產異芳已惟經旬香不

散旋看五綵色非常竹苞衍慶真堪信棣萼增輝更

用事甚妥

可當瑤草名山河處覓人間聚首是仙鄉

和兄韻勉穆科二姪

爾祖今隨綺與黃仙遊遠隔戶庭光靈芝忽照梁間

月應在商山寄此芳

靈芝漸長色初黃日月還輸五綵光阿翁要染江淹

筆付與兒郎翰墨芳

靈芝初秀正槐黃才子虹霓競吐光共說當年五株

桂會看今日九莖芳

不見牛醫家姓黃枯株猶自發菌光芝蘭玉樹庭前

樹自是天生一段芳

壽祐山年兄六十詩

壽詩每每牽綴俗格此作妙甚

憶昨封章入紫宸朝遊閭闔暮江津歸來已作神

仙客獻納長稱侍。從臣山擁亭臺臨勝地。花園歌舞
競芳辰。玉皇香案辭爲吏。行樂人間幾百春。

東祐山家有盛菊

諫議堂前集衆葩。秋光九十占韶華。也知幽事關蒼
鬢。儘把浮生醉紫霞。荒徑幾叢聊自遣。高軒名品最
堪誇。含芳欲語王弘使。今日筵開陶令家。

題祐山龍珠巖

鑿石何人作戲龍。懸珠噴水勢相從。泉輸地脉人難
見。九弄天機智豈容。客子登山停杖久。玉人籍地瀉
杯濃。批鱗爲問西庄老。把酒何如此處逢。

意妙

山深何處斫飛泉。石出蚪姿現我前。九地源源江海
破。一丸滾滾古今旋。誤疑僻境來風雨。自覺寒光動
斗躔。授簡愧予無湧思。新泉應爲洗新篇。

山行陡作松風聲。噴薄寒泉一道鳴。忽湧龍珠拋不
去。誰爲機巧見常驚。瀝飛水玉塵心遠。九轉乾坤道
眼明。幾向山中多勝覽。流觴巖下有餘情。

南涯宅芭蕉甘露生承以見詒賦詩寄謝

甘露俄驚玉掌傳。瓊枝品味列神仙。英雲夜夜通津
液。花萼層層戀實堅。瑞色侵晨分席上。高叢積歲滿
樓前。祇慙秀句堪題葉。不羨香醪更入筵。

口號美祐山脩塘

細膩

官塘五月水瀰瀰版築功成路坦夷古木斜陽堪眺
聖新堤舊堰正參差行人總步清宵月去棹猶牽暮
雨時林下宰官能濟物一時傳頌口成碑

寄題祐山白雲洞

山行九折深入底中有陰洞常雲霾夏日如火人豈
到石門積雪吾獨排凜凜日晝衣裳冷幽幽吟語琴
尊諧別來酒肆幾醒醉指點白雲飛去來

詠戲珠亭贈陳侯二首

當湖元是九龍淵渺渺波心一阜圓鰲足當年曾立
極驪珠此地亦浮川光連雲物常吞吐影入溪山盡
蜿蜒最是吾侯行樂處新亭畱與邑人傳

戲珠亭子水雲隈湖面鱗鱗百頃開滉漾有時搖夜
月蒼茫何處起風雷鮫商休向人間泣神女疑從洛
浦來一咲乾坤無盡藏蓬壺咫尺近瑤臺

癸亥元日詣學宮謁廟

東方曙景開滄溟春色滿城來戶庭陶鈞一氣從天
地斗柄千年轉日星芹藻泮宮晴向綠松杉廟廡歲
常青霏霏雲氣生虛壁裊裊爐烟繞列屏春秋俎豆
從賢哲今古追崇仰聖靈拜手瞻依遲暮日低回猶

向四箴亭

元日立春

湖上風光初獻歲，天邊斗杓正回春。
雲山未解年華異，梅柳自知生意新。
休惟兒童喧井邑，更教車馬出城闈。
野夫亦有年前約，會向江湖訪故人。

過侶菊次韻

憐君白屋遠，紛華淨几明。
牕自有家長，向深城迷歲月。
恍疑僻地滿烟霞，新詩每就懷人句。
舊榻頻呼坐客茶，早晚東園君過我。
一乘明月賦梅花。

元夕邀七橋侶菊觀燈小敘

春事相逢到野堂，良宵燈燭報年光。
旋邀知己杯盤合，自向深更吟語長。
霽月已開元夜色，早梅仍占百花香。
一年佳節初看此，信有人間樂未央。

同李也醒觀梅二首

烟開遠見出羣姿，颯颯晨風佇立時。
冷蕊無心誰索喚，芳葩有意獨宜詩。
他時桃李違塵跡，晚節松篁托舊知。
憐我二人還得友，如蘭今已慰心期。

寂寂園林春事初，南枝乍對欲何如。
元公意思先庭草，邵子清閑傍竹居。
江畔此時猶踏雪，隴頭何處有征車。
畱君共向牕前月，几席香生夜話餘。

春日胥峰見招借諸公泛湖登案山宴樓中晚

上湖心亭

句秀朗

山林結伴已忘憂况復乘春得勝遊江國城臺新壯
觀賓朋詩酒舊風流畫船簫鼓凌空發高閣壺觴盡
日留餘興水亭還繫棹烟波深處到滄洲

疊前韻

看山對酒兩無憂不厭春湖日日遊長向琴書乘畫
舫已忘纓冕濯清流岼蘭芷香堪贈浴鷺飛鳧晚
共留日落川塗人跡渺幾家燈火傍渙洲

唐調

祐山見招湖上值雨愆期聊述鄙懷東上一首

湖山有約每相違陰雨偏難定夙期縱使倍償明日
醉也知虛負暮春時禽聲到耳傳光霽草色關心遍
綠滋感物且休頻歎息林泉我輩得追隨

意足

留春

千家春色映斜暉惆悵詩人意獨違玉漏筵開應盡
興金鞍草長欲忘歸林花脉脉隨流水野老依依傍
石磯却解風光流轉意青山終日對霏微

過祐山山園次韻迴文

迴文詩甚難此作亦得之

巢林息倦好分枝却望前途雨霧霏消盡酒杯千客
醉遍行山道幾峰奇嬌鶯雜管歌深樹短木橫橋過

小池朝至晚園西去路樵漁對月夜從時

湖亭翫月

孤亭湖上坐臨深皓月中天照碧濤雲樹幾重渾徹
晝波濤千頃遍流金尊筵此際渾無語枕籍今宵獨
有心須信廣寒人可到滄浪早已滌塵襟

寄仲山年兄

白下違君十五秋幾番清夢結綢繆盍簪彈結同南
署逸駕追攀亦故丘湖地扁舟隨鳥去惠山高枕對
泉流紫芝眉宇行歌處料得高情事事休

苦雨遣懷

北風吹雨雨乍稀雨意翻濃風力微太陽一點含晶
輝行雲莫自漫空飛天光倏劃臨書幃我有琴尊興
不違麥秋蚕月清和日短杖疎巾單袷衣放歌一曲
衡門下何異堯風擊壤歸

徐默齋園觀海棠

名園背部芳菲滿海棠兩株爭入眼翠袖紅膚雙捲
紗珊瑚交映光無限美人未必如花色如花定恐傾
人國詩家置爾小亭前長日對吟真可憐我來一步
一回望臨別匆匆色惆悵看君疑是畫中人笙歌空
列東山障出門到處春捧擁滿懷拍拍肩輿重

答侶菊登臺春聖次韻

家住城隅為築臺登臨時復共朋來塵喧迥隔浮烟
外野色遙通遠岫隈麗日高樓春欲透千村紅樹錦
成堆年來解得遊觀意隨處行吟一舉杯

東園看牡丹答次七橋韻

老樹年多花幾回繁華歲歲逐時來敢忘卦植春常

茂留到兒孫賞更迴穰露濕衣芳徑入香風滿座午

亭開殷勤晁是題詩伯生向姚黃擬占魁七橋末句屬意小兒

春試謾有是答

答默齋借韻見贈

雅淡篇章本自傳清癯丰格更誰仙溪山滿眼趣常
足松栢盟心晚共堅高榻欲依脩竹裏扁舟時繫綠
楊前相過竟日惟清話麤糲儒餐勝綺筵

夏日即事次韻

歸田自老一茆堂抱甕寧辭灌圃忙篇簡未能拋永
日友朋何處共清觴斜陽背部陰垂地密樹連雲綠
滿塘若道他山堪避暑山林城市正無妨

午日書懷

令節偶逢天日好閑依几席暫銷憂意深蒲酒臨三
嗅人競榴花插滿頭不負光陰從屢換細推身世定

何求自憐此日當長景况復山中晚更悠

七夕

清雅

七夕靈辰景易斜披襟深夜露垂華人酬節序歡相
得坐望星河興欲賒誰向光芒分劍氣直從穹顛泛
仙槎簷前兒女紛紛者綵縷蛛絲亦自諒

閏七夕次默齋韻

領聯咏閏七夕甚妙

銀渚依然霽色中涼添此夕灑秋風未論星駕經年
別已覺精靈一望通曾問蜀巖多道術豈云槎客竟
朦朧默齋和余前七夕詩蓋疑乘槎事余謂漫及人間瓜果
還陳否剩有詩人寄興同

入武林一首

武林行跡十年疎老眼吳天眺望舒夾道樓臺還壯
觀臨江宮闕有遺墟忘年夜月潮聲裏識面春風水
色餘物態生涯千古事長懷謗詠欲何如

登北高峰

翹首高峰獨上時蒼烟猶拂薜蘿垂海天入望隣三
島雲樹愁看似九疑懷古謾尋天竺境臨風正倚桂
花枝徘徊未盡登吟興落日秋山有所思

壬辰同年會于許氏瑞巖堂

闊別悠悠幾歲暄相逢盡日對芳尊情深不為同冠

意勝
綬誼好尤能及後昆朋舊平分名浙地時同年東西浙各四人
湖山金入主人園瑞巖擬作香山社此去還來接道
論

又次白石年兄韻一首

秋山眼冷恣探尋頃覺春回萬木森何處渙樵來水
國一時冠蓋會雲林天邊征鴈鳴還杳石底幽花醉
亦臨晁喜諸公江海思尊前一半是吳吟

贈靈壽寺館僧南公住持普福寺

交遊憶共年華壯名行憐今老宿同福寺總持新領
袖壽山脩誦舊宗風列仙嶺峻芝仍秀九里松深路

轉通已結世緣三十載居停還向此山中

過湖郡懷一菴璉川諸公

情景俱備具

湖郡城南度客舟丹山碧水豁雙眸披蓬命酌還成
句入暮趨程未愜遊此際懷賢多繼繼古來棲隱尚
風流更爲後會歡娛地雪夜山陰念子猷

寄題施璉川年兄甲秀閣

題甲秀閣此作當爲首選

茗溪山色映川流傑構崔嵬俯一州南署聲名推俊
彥東吳文學重清脩相如詞賦才堪金楊子玄經志
可酬獨念迂疎違廿載追遊他日愧登樓

姚穀菴先生入祀鄉賢爲賦此詩

雪月風花寓此形。昔憑山水降英靈。玉樓賦就空人世。寶劍光騰指列星。鄉國常瞻東海鶴。行藏誰勒北山銘。千年俎豆棲神地。赫赫威儀重廟庭。

登烟雨樓

川原四望古名州。有客題詩上此樓。地拔岡巒成勝槩。天開圖畫在中流。繫舟水靜魚龍夜。凭檻風生菡萏秋。一片南湖烟雨跡。長留千載思悠悠。

登戍樓

用事實而每成佳句如此亦藝園之巨工也

仡仡高墉踞水涯。登樓百里縱觀時。諸山列障羅州郡。大海爲池限島夷。闌市肩摩車騎合。溝塍綺錯黍禾垂。亦知守在要荒外。做戒能忘羽檄馳。

仲秋日邀丹厓觀山龍。田月川四君草堂小敘。小溪旱後新通水。荒院秋來尚有花。過客也能留繫馬。傾尊未擬問歸鴉。高情不厭供蔬具。佳節還期醉月華。崑是良朋常間闊。別離早晚更天涯。

詠老少年

扶疎枝葉蘊芳妍。晚見紅英日夜鮮。楓老三江元異地。槐開千載可同筵。無言倘授殫霞訣。遲暮堪隨任地仙。詩叟更爲添麗藻。却憐常得媚高年。

贈龍峰

仰止高山意若何神龍在眼鬱嵯峨氣蒸澤國千峰
雨影落晴江萬丈波草木憑風交虎豹潮天帶海駕
鼉鼉探竒却恐迷林麓一杖相將共爾過

臘月十六日序芳園觀梅二首

寒園日出凍初融春色盈條萬葢紅肥綻更宜烟際
雨芳妍欲競雪前風松篁此日交加好桃李何時爛
熳同墻角小亭當暮晚獨遊清賞意無窮
湖上晴烟雪半融野梅村外滿枝紅早春不爲驚愁
眼芳葢誰將怨曉風書閣小牕詩句好家園南國歲
寒同折來何處尋征客應有天涯歎路窮

七橋和祐山詠雪見示且約過山亭予方煨爐
而坐次答一首

文火氤氳暢髮膚新詩雪後走奚奴懷思安道非無
興臥穩袁公試欲呼暫向幽禽藏邃谷又違炙獸對
紅爐山林西部真竒絕驢背遊人到也無

次祐山晨臥書齋值雪

詩有蒼岩之色

積素凝華凍玉膚騷人命筆似驅奴瑤臺世界三千
滿瓊閣觥籌百遍呼鐵馬夜收淮右甲翠裙春抱党
家爐却憐晨臥書齋意夢遶梨雲不可無
雪水煎茶借前韻

寒朝可怕切人膚急喚陶家掃雪奴香茗在盈俄已
辨枯腸詩就欲頻呼蹇驢門外無過客楫拙堂前自
滿爐日暮小齋聊假寐夢回銀闕世間無

甲子元旦次祐山韻

曉日曛曛海上開青山不識歲時來仙人轉眼歷千
歲甲子平頭數幾回河邊欲見今朝柳墻角還看舊
日梅拍手忘情歌一曲兒童爲我酌金壘

次九桐立春日寓居湖城感興

卜居門巷靜無塵寂寞騷人發興新剩有琴書從作
客閒看梅柳始逢春啣杯休恠非吾土杖屨由來重
此身讀罷高詞多苦調陽春白雪竟誰伸

次懷洲上元日同諸公鄉飲值雪

明時禮樂仰雍熙羣老林泉會亦奇百拜冠裳看拆
磬高年鬢髮美垂絲新詞合報優閑日瑞雪還占豐
稔時聞道醉歸筋力健短筇在手不須支

觀燈有作

華燈燦爛小堂新開歲韶華集此辰月白湖城渾似
晝天晴車馬欲生塵踏歌陌上堪爲侶獨對尊前亦
有春簷外小梅寒自照一枝携取更相親

謁新倉祖墓

新倉自八世祖居焉
國初以良民稱有戶帖

祖代村墟二百秋，青山海上對孤丘。身經亂世餘生
在家號良民，舊牒留立石。先公垂永計，辨香孫子念。
貽謀斜陽雨，後頻迴望古道長。渠帶遠流。

述世系

此家乘也

廣陳趙氏元之前，猶號王孫諱孟堅。異代衣冠推遠
胄，三吳文藻屬名賢。湖山邑改人何在，子姓支分澤
可延。幾向新倉尋古跡，惟吾二祖冢巋然。

詠家園杏花

古杏枝繁花亦繁，穿雲映日擁家園。香分禁苑他年
地，色滿亭臺此處村。執卷自宜終日對，尋芳欲與故

人論。却慚嘉樹留清譽，正憶庭槐有感慨手植恩。

邦程補廩生友人貽以詩次韻一首

弟子叨前列，文章及好春。漸鴻不素飽，鳴鹿利爲賓。
屬望乃予友，多情更爾親。燈牕何以助，詩句可書紳。

五月一日

遲暮陳編積，端居仲夏初。梅風開舊葛，村雨送新蔬。
謾逐紛華好，終甘寂寞居。書長琴瑟靜，吟誦意何如。

與友朋飲舍姪竹林墅

絕似少陵

爾有竹林墅，讀書想古人。愧予疎嬾叔，逢此宴遊辰。
味勝妨加飯，歡多困飲醇。親朋對知己，欲去又逡巡。

時雨

仲夏行時令三農愜望霓水田方漠漠風雨正淒淒
江海洪波積乾坤萬品齊陶鈞觀化育感興有新題

草堂雨望

庭靄凝書幌衣寒近竹扉晴虹林外遠風燕柳邊稀
葵色逢時競溪聲入夜微烟光空累日端坐惜斜暉

示姪孫

脩爲須習靜藥物問真源豈誤明經業能通大道門
幸生仁厚里還向序芳園祖學心傳在披圖有至言

贈胡伯山

似少陵敘事

相逢問里居舊業伯山廬越壤還佳麗虞風自古初
一方盤氏族滿戶盛詩書從此傳名地因君負美譽

夏日臥東園齋中

幽棲便隙地高臥對前楹匪侈園亭美當看竹石清
仰天惟樹影到枕但蟬鳴遠憶槐庭意令人道念生

盆荷

愛此盆荷盛清香滿院中亭亭傾麗日疊疊舞薰風
炎熾誰能逼繁華比也不可同緬懷溪上客吟賞意何窮
數朶盆花好芳名君子中洗心觀止水識面對光風
勝賞西湖別神遊泰華同香根傳未已物理信無窮

葵

夏月存芳品。葵花故有名。早分千葉種。高發幾層榮。
足有清雲護。心惟麗日傾。却憐遲暮老。吟賞一留情。

葺理東園

音調似張說

持鎌課豎兒。竟日事芟夷。林響暮蟬合。墻陰夏景移。
侵松披密篠。荒徑闢樛枝。還向小亭臥。風牕有夢思。

憶蓮

內第號

我嘗瞻泰嶽。嗟爾憶青蓮。翠斷雲峰外。香留玉井前。
繁華經夏日。冷落向秋天。惟有傳芳意。長吟溪上篇。

答默齋七夕見懷敘及前歲鄙詞兼予近訪不

遇之作次韻

知君晚興舉杯遲。星月光生鬢已絲。引蟾排筵非爲
巧。囊螢檢牘故宜詩。撫時正合酬新句。念友何當續
舊詞。相見定知茶話好。百年高誼有深期。

七日與親友集於舍姪元碩庄上用前韻

曉望林廬步履遲。更無車騎擁青絲。綠荷過雨田家
話。密竹清陰坐客詩。共有好懷成晚集。况逢佳節報
新詞。也知樂事非難取。旦夕家園自可期。

仲秋雨後遊東湖夜歸呼門而入和三兄韻二

首

清逸

雨過青山湖上遊，虛亭坐對武原秋。興來載酒隨輕棹，日暮尋山對得妙上遠樓。正向晚風依弄笛，謾携明月遡歸流。良期每月成歡會兄弟上，小第從今一記籌。月明涼露濕蒼苔，何處遊人入暮來。江岬蘆花行且宿，城門燈火閉還開。飄飄欲寄渙樵伴，擾擾誰祛市井埃。高興更傳詩句好，傍舟歌曲憶初回。

晚蓮

特起乘殘夏，新妍對早秋。故移葵日賞，偏近桂陰幽。爽受風雲沍，春將造化留。西湖回首地，香艷接天浮。

過華封道院

相過卽佳期，入門心有幽思遠時。菊開深院朶，苔上小牕滋。

詩酒非吾事，琴棋可汝爲。清宵留客處，好聽步虛詞。

胥峰招飲樓船二首

昔人云詩中有畫，此詩亦然。

美人製木蘭，憑虛起高觀。邀予秋水涯，臨風恣登玩。悠悠轉雲山，泛泛隨盤案。恍然遺世塵，身到蓬萊畔。湖雲四面生，湖水虛無裏。此間入畫圖，如對元章子。極日向薰葭，冥心傍洲渚。榜人鳴橈去，身世杳何許。

次韻答七橋二首

敢將文字比珠璣，却把絲綸付釣磯。山澤狂歌誰獨聽，魚龍夜水欲相依。秋分日上南簷，遍地辭花藏小

院稀寂寞草堂棲隱地惟應詩客款荆扉

草花當髮代簪璣盆水為山著石磯鮭菜時為過客

具桑麻只話小民依丁稠孫子居還闕歲了征徭事

亦稀頭白故人頻問訊將詩豎子扣晨扉

題洪都鍾氏忠節卷

鍾名鎮被寧濠脅走死章

李業譙玄稱獨行蘭摧玉折古今憐茫茫造化看來

往瞬息寰區是百年

結句意奇

贈壽隱上人

蘭若香爐何處邊山頭歲歲出飛泉緣知杖錫深山

意此後相逢不計年

寄半峰上人

脩篁深剝暮鍾微共話山頭坐不歸廿載宦遊陳跡

遠祗餘清夢到林扉

題平川

當湖水綠平如掌疎柳微波風更輕老去江湖渾漫

興沿溪載酒共君行

贈益春子

不事鉛華而情景比日實讀者毋忽

先生幾年居海濱野屋石田常飯芹好景盡歸山水

地長年偏見漁樵人投簪予已厭所歷被褐子寧知

有珍一笑桑榆行樂處春風開遍桃花津

雙躍龍

咏物詩首首有奇思

躍地歸壺矢更雙神龍出自手中降若非葛浦仙投
杖定是張華劍入江

玉女王宮藝絕雙西京郭舍不須降壺如神鯉飛東
海飲似長鯨吸九江

神矢雲飛中每雙滿堂賓客盡輸降葉公怕有真龍
下風雨時時動小江

幾迴壺矢偶能雙好勝如何心未降一咲躍龍龍不
見坐移白日半沉江

觀劇

此作鍊句甚精亦有關於風教佳佳

春風開遍杏花林握手都門悵別深菽水難拋烏鳥
念關山尤繫杜鵑心柳州死友名猶在蜀郡生妻愧
豈任總是偃師遺故事傍人何事淚沾襟

姜詩

昔人云杜少陵詩史今復見於此

賢夫遺孝婦此事君勿疑賢妻諒孝子此情自相知
此情既相知恩義夫何虧彼此同求仁形跡匪所思
今古處人倫會得理無遺

姜詩三留婦婦去常獨疑何以常獨疑婦孝母未知
婦孝母未知子道其有虧苦心餽珍羞終然母見思
姜詩不去婦吾補史家遺

顧貞女詩

名教繫綱常天性超等夷節婦信匪易貞女良獨稀
嗟彼顧女氏婉孌閨中姿有志貞不字不字伊爲誰
初與鄒氏盟遠戍天之涯嬰疾竟長休父母擇所歸
女氏陳不可誓死以弗移報答本無恩哀傷寧有思
至哉從一義乃在許聘時剪髮旣慷慨沒身還委蛇
貧居六十年荼苦甘如飴辛勤撫厥後青衿成令兒
全行通神明回祿實避之煨燼數百屋蕭然見完祠
此事傳平湖華宗令於斯守官如守身有諷家有光輝
吾爲述貞行匪但女中師

又作絕句二首

貞女高賢不易倫心涵水月淨浮塵誰將名義相拘
束恣意桐江理釣綸

平生心事重丘山六十年來只等閒就義從容看晚
節燕京柴市定無還

送顧大尹

三年報績徵書至百里留賢使節催野草依依隨路
合山花灼灼倚筵開當湖爽氣涵孤月北闕清光切
上台莫向棘林攀去翼朝陽側耳鳳凰臺

送四衙入覲

紛紛車馬客。夙夜動江濤。郡國三年計。君門萬里心。
風雲追北使。梅柳問南音。王事纔云畢。官衙會早臨。
學宮東南建。鍾閣榜曰龍。吟掌學雙喚。法君創。
議邑侯直齋。顧君主事而成之者也。余賦詩
述美用擬思樂之歌焉。

景切

煌煌俎豆居青天。插旌標暈飛昂左。翼宮廟增而高。
斯文肇弘規。磊落資賢豪。法君明堂具絳帳。寄官僚。
載見絃歌宰。割雞用犧庖。二美真同心。鳩功不崇朝。
壯麗材難構。崔嵬勢無搖。負簣必固基。升階可侵霄。
樞檻馭長風。人寰軼紛囂。極日睇滄海。一氣混雲濤。

飄飄舞衣裾。萬古輕鴻毛。日月轉雙輪。江山不沉消。
象教扶兩間。聲聞達千郊。華鍾發鯨魚音。連浙江潮。
鏗然警聳聳。曠清夜何窈窕。宣尼去千載。說鈴自詭譎。
吾聞龍變化。靈物匪可招。莫覩顯晦姿。誰辨雌雄號。
蒼茫延平津。恍忽終南臯。法因金石宣。道以神理超。
龍吟揭微義。如聽空中韶。邑里儒林舊。此日瞻履譙。
野夫逢勝槩。白首得遊遨。載筆多蕪言。感興亦長謠。
朱絃有遺調。斂手俟俊髦。

次懷洲鍾樓作兼呈諸公四首

樓在學宮前

樓傍東城登巨觀。環封百里勢增寬。臨湖不啻如衣

帶到海何須一鳥翰闕里崔嵬還砥柱寰區彌合是
泥丸羣公並有攀躋興會見新秋月正團

近遊宮側上層觀老覺湖山分外寬雲倚危楹聊縱
目風飄雙袂欲生翰諸生聚會傳鳴鐸閑客逍遙寄
弄丸幸托敞廬芹水畔焚香清夜坐蒲團

地拔層樓倏改觀啓元門占武湖寬儒林上築綠鍾

秀才士登臨並染翰文筆一峰當玉案案山爲龍池

九水抱金丸東湖九港中有洲老夫却愛乘春興花

柳村村錦作團

一上高樓縱遠觀興酣日落未心寬興文有象傳鍾

鼓偃武何人屬屏翰閩海長鯨猶鼓浪邊氓餘狡尚

飛丸林居幸受清平賜長對桑榆午蔭團

答七橋表兄用韻

自我歸休白髮添十年世路失涼炎餘生自分江湖
老大造非忘雨露霑高適暮年詩更好陶潛社會酒
無嫌故人佳句堪酬酢把盞高歌月照簾

題畫四首

千郊芳草地三月艷陽時愛爾青雲翼花間寄一枝
山水面佳處綠楊垂婀娜坦腹此老翁肯用章服裹
寂寞無人境千山落葉赤江湖一扁舟誰識鷓夷客

炙獸紅爐處烹羔錦帳前梅花江上發雪後故人船
詠雪
風威入夜曉凝華日霽林扉景倍嘉色映湖天臨履
杖寒封野谷見人家千崖共我頭俱白萬樹先春絮
作花郢客由來歌白雪不將勝事向人誇

乙丑正月二日泛湖次韻

晴日天開山水圖扁舟與客一携壺郊原寂寂憐新
歲車馬紛紛自九衢梅帶曉寒臨水發鷗迎春色向
人呼懸知暮景多幽興日把漁竿出武湖

默齋病起值閏二月百花生日有感懷詩爲次

其韻

人却殘年疾花逢閏月遲青陽如有待白髮好相持
鶯語繁長日林香入暖時風光休感歎且進掌中卮

首春積雨遣懷次韻

句法婉似少陵

雨絲難繫日如梭一月春光闌闌過旋有黃鸝妨翅
濕祇應新柳抹烟多遨遊春半須兼樂醉飲宵長合
放歌結伴定尋三四友陰晴每日棹清波

贈梅谷道人

有客何年別復來抱琴誰氏不須猜一身無伴數千
里少食新添三兩杯最善洞簫兼品藝每逢山水輒

徘徊相留似愛城居處有約他時再上臺

暮春邀管南屏司馬陸胥峰司寇徐默齋隱君

園亭小集次韻

小牕晨起日熹微春暮園林花又稀高士相逢留指
訣青山老去有依歸荒亭自愜壺觴趣短杖堪迎竹
樹暉尊酒從容遲得醉共看明月映蘿衣

家園觀牡丹

獨向芳亭爛熳開竹深人靜未須猜自將得意酬春
色漫把芳心入酒杯光被園林雲樹合香生臺榭午
風來槐陰恍見庭趨意清賞沉吟句欲裁

祐山花園賞牡丹

晴寒高幔蔭芳妍勝賞仍憐二月天時閏二月翠圃花催
春宴早綺筵杯弄午香傳欲簪老鬢臨泉石更調新
詞入管絃綠野追隨行樂處韶光好共畫堂年

看牡丹贈兼山馮翁

綽約高枝出晚烟一尊臨酌野亭前眼經嫩蕊初春
約書報新晴此日緣在向山花誇富貴老看國色訝
神仙物華爛熳先成醉况遇耆英八十年

詠芍藥

曾匹花王壓眾英牡丹於汝看來清物華冉冉舒長

書風影踈踈傍晚晴荒院自深烟霧色美人虛憶佩
環聲撫時正是清和月吟賞誰憐得我情

馮兼山招飲泛湖翁昆仲年各踰八賦詩一首
凌風蘭棹破重烟四望湖山入遠天何處蓬瀛訪東
海雙瞻耆耄是神仙席迎花雨千峰外酒壓波濤萬
頃前借問磻溪容我老一江明月上漁船

端陽

句麗而雅會於用事

歲月閑來自覺長故園今日况端陽渡舟風俗元相
競歌管樓臺且未央蘭佩幽林尋舊服荷筒小院試
新觴都將白日羲皇意一臥風牕五月涼

疊韻

句意俱新

遊人觀渡接袂長空詫遊龍戲赤陽百草那求山上
下青蒲自在水中央端居有日稀逢侶世路無心聊
舉觴月令省身多所戒守真何必計炎涼

生日喜雨答七橋次韻

草堂詩到有知音爲我生辰喜致霖膏澤松筠能共
得塗泥車馬謾相臨好懷偏對杯浮玉久旱直成天
雨金惟願年豐人受賜清時野老只閑吟

次默齋喜雨

久旱頻沾雨力勝草堂那更散炎蒸明農正藉田疇

粒解溫誰煩玉井冰百草蔓堦生易遍長松偃蓋勢
非增寄言清景還相遇月下花闌一共凭

草堂對雨次韻

入夏俄驚五月梅冥冥暑雨逐人來光陰荏苒隨時
令人事蹉跎付酒杯自覺蓬茅便所性不將樗櫟愧
非才白鷗本是忘機者寂寂沙頭更孰猜

泛湖

句亦工

出門理棹卽湖中竟日淹留興未窮鏡水已應歸賀
老習池能免醉山公雨餘江柳迎人綠野外園葵對
酒紅朋舊追隨真可樂揮金遠慕二疏風

題明川陳先生號次韻

前四句造詞寫景殆盡

茅屋青山烟淡淡野橋春岼水潺潺萬家城市浮雲
外千里舟航返照間把釣已從溪澗解忘機真與鷺
鷗閒四更月吐明殘夜獨照幽人正閉關

題祐山弄丸亭

鑿石連筒衆水輪螭頭水噴一丸扶天機已失宜僚
智神物誰遺象罔珠心性圓通洎變化乾坤和合旋
虛無小亭卽事瞻名義安樂窩中對範模

立秋

銛鍊而思奇

梧葉迎秋色雲陰傍晚晚天新涼催去燕徂暑入鳴蟬

方術尋遊外年華疎懶前都將遲暮日一付子雲玄

秋風二絕

八月秋高風自生城邊木葉連秋聲野夫朝來一踈
爽興入摩霄鶴鶴鳴

堦前眾草何紛披荷芰蕭條向小池離離彼黍花齊
放嗟爾飄風莫浪吹

漫歌行

昔余年少隨冠簪多病精神猶自堪黃昏韞馬常出
入五更屈起赴朝參邇來病少身自嬾老大筋肉成
駑緩鬢邊黑白何斑斑歲月從今一踈散牧豕驅雞

非所宜彈碁拔劍令人嗤草堂鎮日渾無事手閱方
書聊爾爲

中秋

此作直清水出芙蓉也絕妙絕妙

露下高秋天籟空江城月白水雲同衣裳冷逼丹霄
近樓閣光騰碧海通松桂故園當此夜乾坤清賞屬
微躬蟾仙願得千年藥槎客長乘萬里風

九日登案山還上鐘樓次韻

杖頭風日故相關病起扶携上小山佳會當年吹客
帽黃花今日照人顏天空樹杪秋雲薄湖淨城陰夕
鳥還暮倚高樓餘興在鳴鐘仍擬笑談間

和默齋九日也醒相訪見懷用韻

佳節相逢足燕歡。知君非爲酒杯寬。素心人是柴桑友。黃菊。花爲楚客。殮江渚。早投鴻鴈遠。茅齋高臥竹梧寒。東籬舉首還相憶。時有南山得共看。

次友人秋夜獨坐

律效少陵

莫向浮名問是非。乾坤漠漠更誰私。爭春樹木底心性。逐化。與龍自歲時。草閣琴書秋正爽。江城鍾鼓坐堪遲。懸知對月忘懷處。風竹蕭蕭入夢思。

題穀菴姚柱史先生祠

吾郡論耆舊。逸史風流在。宗匠擅詞場。名聲振江海。

揮毫染紙間。緗素飛文綵。才躋李杜堂。筆壓徐庾壘。匪是形模工。宵中錯磊磊。干謁走四方。羣公想丰采。越水增而秀。吳山日以嵬。夙抱經綸資。有才堪負負。

冠豸要觸邪。常甘忤時罪。見此四句說盡公綬平生事業一麾謝朝列。知足早不殆。

世網非所嬰。時貴焉能免。歸來雲溪東。水竹據爽塏。娛意對花石。清心近蘭蕙。圖書樂事多。風月良辰倍。蓮橈漾微波。渙歌襟欸乃。緬懷八極內。俗物都傀儡。神遊天姥峰。氣吞雲夢匯。青青歲寒栢。柯葉終無改。公性旣倜儻。守身戒荒怠。左右列箴銘。言行寡尤悔。丹鼎乃寓言。尊壘聊樂愷。新祠駕湖上。精英見真宰。

伏臘走冠裳。祀儀應有待。小子爲鄉人。覩瞻得無餒。
拙疾相倚薄。中年愧咸晦。學術旣寡昧。用志牽襍猥。
誦公自贊篇。前脩邈難逮。

公自贊有曰。違道干譽。飾貌矯情。余曷敢以是而
自寧。敬事君親。誠交友兄。或庶幾乎予之平生。某
竊以斯語。自勗。因述之。終篇。庶見公之爲人。併論
同志云。

中秋胥峰招泛樓船

樓船宴續去年遊。霽月能逢此夕秋。望遠光連蓬海
外。憑高寒近碧峰頭。雲韶杳杳當筵合。蟾桂霏霏入

盞。浮謾說乘槎。星漢客登仙。何似李膺舟。

詠菊

金鳳毛

不見丹山彩鳳鳴。野花猶戴羽毛形。陶家冷落休相
咲。此物堪移處舜庭。

金鶴翎

一從黃鶴仙人去。花落花開幾百齡。豈是秋來回羽
駕。枝頭猶撲一金翎。

疊前韻各二首

梧竹參從百鳥鳴。九苞日彩照方形。亦知地轉羲皇

世祥物應隨處士庭

江上臺空鳳不鳴吳宮花草久埋形天留物色金光
羽却咲痴人覓謝庭

仙卉有神傳變幻金姿鶴算度千齡等閑寂寂松篁
徑忽訝花間耀羽翎

曾飲南陽甘谷水身輕壽擬子喬齡昨宵夢裡驂雲
鶴半是金花半鳥翎

紫線盤

意句俱工

結綵誰爲五色絲却看身上薜蘿衣畫圖怕有人知
道恐遺花樣入宮闈

菊

昔有薜蘿客冷英味道真脩名立百世柴桑繼芳塵
采采向東籬澹然葛天民視世忽若遺惟見黃花存
南山時識面旨酒還足珍曰余本無能因恬寤實濱
拙守資多病靜臥常經旬空堂列寒榮聊以對佳辰
秋興未蕭索况乃懷古人悠悠歲月暮盈盈物華新
邂逅一清賞綢繆意彌親服食當餼糧紉結爲佩紳
開徑復誰望歲寒松與筠

冬至

脉脉陽和九地還葭吹六琯有無間南暉欲轉堦頭

樹朔氣猶連海上山柳傍通津偷暖色梅藏深谷動
冰顏道人不是行時令養拙年來早閉關

和友人春寒

陌頭楊柳塞寒烟小院看梅春自全新月夜牕應半
掩茗甌香鼎故人邊

春陰過一月矣悶然自遣

沙圩塔前風色凄烟草湖上令人迷詩廢鶯花且幾
首酒償山水還頻携野渡流水凍須泮柴門列楊青
漸齊東皇合解野夫意行樂便教春滿谿

春日草堂獨坐和默齋邀園亭看花韻

綠野閑來眺望時青山在眼意俱遲迷花不覺流年
度縱酒還憐暇日期閉戶晝長禽自語隔園春好蝶
先隨新詩遇景頻相約林壑幽懷愧我知

遊馮諫議山園石磴中小坐高峰突兀其上余
以爲佳處賦詩識之

探竒不厭凌山險徑曷峰高憩息間似有猿聲通鳥
道真看仙嶺出人寰盛唐句亂霞深谷窮難遍片石孤雲坐
不還十載抽簪長不顧况同給事得躋攀

次默齋久雨喜晴

風雨江南已仲春林泉惆悵振衣人豈無楊柳門前

絲何處桃花觀裏新返照且隨吟興逸青山還對滿
壺頻幽棲正憶於陵老一畝深園絕市塵

止酒

病起當杯興若何纔傾一盞得天和吟詩恰中詩懷
好止酒翻于酒趣多益石風含秋骨冷簷花日映笑
顏酡半酣未到堯夫分三爵能忘衛武歌

泛湖次韻

當湖東望紫烟騰豈有人間處士星日月倒開天宇
闊樓臺遙對海峰青芒久尊細雨呼朋去清暑深江鼓
枻行稽阮只從林下醉羲和肯向日邊停

次祐山嘉興道中詠晚霞之作

秀水光搖百尺橋蒸霞縹緲上侵霄未驚西嶺輪埋
赤忽訝千林錦作苞氣吐虹霓同赫赫章垂雲漢共
迢迢却聞隱士餐靈液爲訪丹丘遍草茅

端午次鶴椿韻

不襲舊語而自成一家之言

佳節偏城鼓吹稀薰風故里芰荷衣持杯此日歡相
得佩虎何人赫有威細葛香羅名豈與蘭汀蒲渚歲
常依閑來扶杖偕童稚斲藥山中露正晞

望瀛

家住當湖海與隣神仙三島望來真逍遙福地君知

否桑梓常閑耕鑿人

茉莉

茉莉花開香且繁滿庭秋草自飛根臨風映竹閒時
見裊露和蘭夢裡存素萼不妨簪素髮清芳欲共倒
清尊生憐南土違霜雪歲晚相依小室溫

苦雨

不事雕鏤而情真也

水田漠漠稻苗微六月陰寒百物違苦澇已聞經月
歎時暘初報爲民祈守堤下土難爲力入海羣流不
易歸野老自關憂樂念每從林圃望西暉

前韻答諸君見和

東野雲開日又微莫教積潦歲功違憐予閑老多愁
思歎爾詩翁亦請祈菊圃雨荒併可惜釣船風逆也
須歸尚期人事諧時令共對桑榆弄晚暉

喜晴用前韻

霖雨全收風正微依然穡事更無違野夫渾失愁和
喜村社須存報與祈花影移時詩欲就蟬聲到耳夏
將歸東園携杖堪清賞密竹濃陰映遠暉

又呈諸君用韻

溪聲入曉雨初微山色迎人望不違農畝淋漓今有
賴天心仁愛本非祈清風已度晴郊遠明月還隨夜

鶴歸惟與諸翁成，咲飲醉同作社到斜暉。

生日答介泉伯兄用韻兼呈立軒三兄

鴈行先後武湖天，兄弟肩隨一二年。晚歲逍遙能共
得生辰歡樂可從權，日長雲護青松院，雨過涼生綠
水田。不盡勸酬添壽酒，正將歌管奏新聯。

送蔡三益掌教遂平

送君湖上惜芳尊，絳帳翩翩不可援。育士已知懷舊
德，崇儒還喜沐新恩。幾年冠蓋遊吳國，千里雲山向
汝原。正是先生行志日，兩鄉桃李在公門。

贈望湖生日

識君廿載歷青春，歲晚過從意轉親。問齒久要齊齒
會計年，強半百年人學優。豈但兼方術，行篤還知重
佩紳。誕日題詩將慶祝，秋來初看月華新。

九日登陳山

野老懷寬任暮秋，歡呼與客醉山頭。天高踞石渾無
礙，日落觀潮獨未休。世事悠悠看去鴈，生涯渺渺對
浮鷗。酒闌朗詠齊山句，古往今來共此遊。

題天心書院陸與中爲龍溪先生建

何物網維萬象森，乾元渾渾此中尋。羲皇立極同天
地，洙泗傳仁亘古今。多士四方來海右，良知一脉仰

山陰煌煌講院標名義講到無言只此心

家園作

穿林小徑舊逶迤竹覆花闌漸欲移喬木參天三十載庭趨猶記及肩時

虞美人

一花開落又花開綽約東風半欲催尚想虞兮呼欲起君王眷眷有餘哀

祐山山園五絕句次韻

山亭遇雨

有似王維題剡川景

何處半山亭亭畔瓊花鮮奇哉此間雨回路隔凡仙

龍珠巖

幾向龍珠巖泉出珠猶轉憶昨題詩處石路生苔蘚
流觴曲水

已踐流觴跡還看茂林青酌君酒一杯今古誰重輕
山頭對月

上有王子笙下有馮夷鼓月照羣峰出徧作鸞鳳舞
池中進艇

方塘作畫圖千里一灣中五湖逃范蠡却似鳥開籠
次友人病起

佳興初除恙新涼已積旬松篁餘晚歲猿鶴金閉身

瘦骨元非病清齋不是貧
閉關常寂寂垂老見高人
詠梅

幽樹依庭久開花滿舊枝
尚含他日咲應解主人知
水雪已多歷香風忽有期
從教艷陽日桃李競芳姿
和三兄觀梅

寒尋隴底句誰裁暖向堂前
花自開好破玉顏從我
笑今朝恰有弟兄來

次祐山雪中觀未開梅

東閣雲連野水灣探梅踏雪
過前山孤叢寂寂猶冰
骨六出霏霏自玉顏冷蕊
正含搖落處香風欲動竹

松間花前不識花神足休道
春工不少慳

次梅灣韻

山梅遙向水邊開路轉山隈
香自來逋老吟懷行處
是恍同孤嶺坐莓苔

次雪梅

已看謝傅庭前絮更見羅浮
夢裡姿梅雪爭春春屬
我併收香色入新詩

序芳園稿卷上終



序芳園稿

卷上終

三

